

«Հավելված N 2

ՀԱՊԿ Նախագահի 24ր հուլիսի 2025թ

թիվ 8 որոշման



Հ. Արքանիսյան



ԿԱՆՈՆԱԿԱՐԳ

Պարա լոդի 2025 թվականի 33 առաջնության

Երևան 2025թ

1. Մրցաշարի նպատակները և խնդիրները:

- Մրցաշարի ուժեղագույների որոշումը.
- Պարա լողի հավաքական թիմի թեկնածուների կազմի ձևավորումը
- Տաղանդավոր մարզիկների և մարզուհիների բացահայտումը.
- Պարաօլիմպիկ մարզաձևի զարգացումը և մասսայականացումը,
- Հաշմանդամություն ունեցող անձանց ֆիզիկական պատրաստվածության բարձրացումը և մարզական վարպետության կատարելագործումը:
- Արդար խաղի, մրցակցության ու փոխըմբռնման ոգու ապահովումը:

2. Առաջնության կազմակերպումը.

Պարա լողի ՀՀ 2025թ առաջնության կազմակերպիչը Հայաստանի ազգային պարաօլիմպիկ կոմիտեն է (այսուհետ՝ ՀԱՊԿ): Առաջնության կազմակերպումն իրականացվում է ՀԱՊԿ Պարա լող մարզաձևի հանձնաժողովը և առաջնության Կազմկոմիտեն: Մրցաշարի կազմակերպիչը և իրականացնողները պատասխանատու են մրցաշարի պատշաճ անցկացման համար:

3. Արդյունքները

Առաջնության արդյունքների մասին արձանագրությունները ՀԱՊԿ-ը հրապարակում է www.paralympic.am պաշտոնական կայքում՝ առաջնության ավարտից հետո 5-օրյա ժամկետում:

4. Մասնակիցներ և հայտերը

Պարա լողի ՀՀ առաջնությանը կարող են մասնակցել 12 տարին մինչև 2025 թվականի դեկտեմբերի 31-ը լրացող ֆիզիկական հաշմանդամություն ունեցող ՀՀ և Արցախից բռնի տեղահանված քաղաքացիները, որոնք ունեն համապատասխան բժշկական թույլտվություն:

Առաջնությանը չեն կարող մասնակցել ՀՀ օրենսդրության, Միջազգային պարաօլիմպիկ կոմիտեի կանոնակարգերի կամ ՀԱՊԿ կանոնադրության համաձայն որակագրված այն մարզիկները, որոնց որակագրվման ժամկետը ուժի մեջ է առ առաջնության մասնակցության հայտերի ընդունման վերջնաժամկետը:

Առաջնությանը մասնակցելու համար ակումբները, մարզական հասարակական կազմակերպությունները, ինչպես նաև անհատ մարզիկները մինչև **2025 թվականի սեպտեմբերի 12-ը, ժամը 23:00**, սահմանված ձևով լրացված մասնակցության հայտը պետք է ուղարկեն ՀԱՊԿ պաշտոնական arm.paralympic@gmail.com էլեկտրոնային փոստին կամ հանձնել ՀԱՊԿ գրասենյակ (ք.Երևան, Ծիծեռնակաբերդի 16 հասցե):

5. Մարզական դասակարգում

Մարզական դասակարգում չունեցող մարզիկների համար կիրականացվի ներքին մարզական դասակարգում:

6. Առաջնության անցկացման կանոններ

Պարա լողի մրցումները կազմակերպվում են Պարա լողի Միջազգային ֆեդերացիայի (WPS) հաստատած կանոնների համաձայն:

Ծրագրում ներառված են լողի հետևյալ տեսակները ազատ ոճ և լող մեջքի վրա:

7. Առաջնության անցկացման ժամկետները

Առաջնությունը անց է կացվելու 2025 թվականի սեպտեմբերի 14-ից 15-ը:

	Սեպտեմբերի 14, 2025թ	Սեպտեմբերի 15, 2025թ
Մարզիկների ժամանում	V	
Մարզական դասակարգում	V	
Առաջնության մեկնարկ		V
Առաջնության ավարտ		V
Մարզիկների մեկնում		V

8. Առաջնության անցկացման վայրը

Մարզական դասակարգումը կանցկացվի Երևան Ծիծեռնակաբերդի 16 հասցեում, իսկ մրցումները կանցկացվեն Երևանի Հայ-Ռուսական Համալսարանի սպորտկոմպլեքսի լողավազանում, Երևան Հովսեփ Էմին փողոց, 123/1 հասցեում:

9. Կացություն և սնունդ

Երևան Ծիծեռնակաբերդի 16 հասցեում գտնվող «Փյունիկ հոտելում» գիշերակացով կապահովվի մինչև 7 մասնակից, իսկ սննդով՝ մինչև 25 մասնակից: Առաջնության ժամանակացույցի առաջին օրը կտրամադրվի ընթրիք, իսկ երկրորդ օրը նախաճաշ և ճաշ: Սահմանված քանակից ավելի մասնակիցներ լինելու դեպքում գիշերակացի և սննդի ծախսերը հոգում է գործուղող մարմինը:

Սույն կետում նշված տեղերի քվոտաները հատկացվում են առաջին դիմող առաջին ստացող սկզբունքով:

10. Տրանսպորտ

Մարզերից ժամանող մասնակիցների համար կտրվի տրանսպորտային ծախսերի փոխհատուցում, իսկ սույն կանոնակարգի 8-րդ կետում նշված հասցեներ մասնակիցների և մարզագույքի տեղափոխումը կիրականացվի կազմակերպչի կողմից:

11. Մասնակցության վճարներ

Առաջնությանը մասնակցության համար մասնակցության վճար նախատեսված չէ:

12. Մրցանակներ և պարգևատրումներ

Առաջնության ընթացքում կիսադարկվի մեդալների 2 հավաքածու՝

- 1) Տղամարդիկ և կանայք լող ազատ ոճ 50մ մրցատարածություն մեկ հավաքածու խառը դասակարգման (S1-S10, SB1-SB9, SM1-SM10) խումբ
- 2) Տղամարդիկ և կանայք լող մեջքի վրա 50մ մրցատարածություն մեկ հավաքածու խառը դասակարգման (S1-S10, SB1-SB9, SM1-SM10) խումբ

Խաղարկված մեդալները նվաճած մարզիկները կստանան դրամական պարգևներ ՀՀ կառավարության սահմանած չափերով:

Հավաստագրով կպարգևատրվեն առաջնությունում մրցած յուրաքանչյուր մասնակից մարզիկ և մարզուհի՝ ըստ սեռի, իր անհատական դասակարգման խմբում նվաճած տեղի:

13. Ֆինանսավորումը

ՀՀ առաջնության ֆինանսավորումը իրականացվում է ՀՀ Պետական բյուջեի միջոցների հաշվին՝ համաձայն ՀՀ ԿԳՄՍ նախարարության և ՀԱՊԿ-ի միջև կնքված դրամաշնորհային պայմանագրի, ինչպես նաև ՀԱՊԿ-ի միջոցներով:

14. Վեջնական դրույթներ

Առաջնության հետ կապված բոլոր վիճահարույց հարցերը լուծվում են առաջնության կազմկոմիտեի և ՀԱՊԿ-ի կողմից:»